

նաեւ հարկ եղեւ ինձ ի գրեւլ՝ զի զլիովին ծանիրցէ :
 Բայց զի եօթամբ շարաթուք յամեցուցանելոց
 եմ զպատասխանն, եւ կամ թէ վասն բոս ոմանց
 յուշ առնելոյն այդր Տեառնդ, հաստատեալ զքեզ
 ասացեալ ես ի կարծիս այս, իրբու թէ ես կարծե-
 ցեալ իցեմ զՀայրութիւնդ համաձայն գոլ ամ
 բաստանչացն այնոցիկ, զոր մի արասցէ Տէր, եւ
 քաւ լիցի ինձ այս ս Գերապատիւ Հայր՝ սին իմն
 կարծեօք կցորդել զգերայարգութիւն քո ի հա-
 մարի այնպիսեաց դաւաճանողաց : Յաղազս որոյ,
 որպէս հայրութիւն քո առ իս, հանգունարար եւ
 որդիութիւնս առ քեզ աղաչէ յոյժ, զի ի բաց
 բարձցես զայնպիսի տարադէպ կարծիսն զմէնջ, որ-
 պէս եւ ես ի բաց բարձեալ էի եւ եմ զՏեառնէդ :
 Այլ եւ վերջապէս, յաւէտ հրճունակ եղեւ հոգի
 իմ ի լսելն զապաքինեցմանէ տկարութեանդ, որ
 եւ աչք մեր ի լոյս լիցի, եւ Տէր զտէրդ ի զլիսոց
 մերոց տարադէպ ժամու մի առնուցու, եւ զճրագդ
 աշտանակի ընդ գրուանաւ մի թաքուսցէ, առ ի
 ցնծալ մեզ ազգովին ի լոյս քո, եւ տացէ քեզ
 զկեանս երկարս ի յօգուտ եւ ի պարծանս ազգի
 մերոյ, ամէն :

Նաեւ բնաւից եղբարց միակրօնից ի սրբա-
 նոցի այդր համաբնակեցելոց, ողջունահիւսն սիրով
 աչք ի լոյս ասեմ, վասն առողջութեան Տեառնդ :

Սարգիս Ալեքսանդր Աբբեպիսկոպոս

Կեսարիոյ Կապադովկիոյ

Յամի 1746 ի Յունիսի 11 ի Հռոմ :

Արհիպատիւ Արդանէս եպիսկոպոսն, սերտ
 սիրով ողջունէ եւ ողջագուրէ զգերապատուելիդ,
 գորով եւս ընդ իս ուրախակից զբարեկենդանու-
 թենէ Տեառնդ :

Նամակիս մէջ յիշուած « Արհին Մինաս », որուն
 վերն ալ յիշատակութիւն եղաւ, էր